

1/ Beti Donostiako  
damatxo, galayak,  
gizon eta andreak,  
dibertitu nayak:  
soñuak eta kantanak  
dira onen gayak,  
ala erakusten du  
gure gaurko deyak.

2/ Adiskide arrotzak  
ditugu lagunak,  
ageri dan bezela,  
aditzalle onak:  
gugana etorriak,  
galai ta gizonak,  
zuentzat on eskerrez  
beteak diranak.

3/ Alde bat utzirikan  
samiñ naigabeak,  
elgarganatzen dira  
zar eta gazteak:  
udan eta neguan  
arturik nekeak,  
soñu eta kantakin  
aikeraz beteak.

4/ Gure biotzak daude  
pozak zabaldurik,  
atsegiñ emateko  
eskerrez beterik:  
borondate gureak  
ez dauka oberik,  
neke gai aiñ artuaz  
ez degu damurik.

5/ Aurten Otsagillaren  
seigarren gabean  
elkarganatu gera  
Donosti maitean;  
soñu eta kantakiñ  
umore onean,  
atsegiñ ona nairik  
alegiñ gurean.

6/ Erritar maite eta  
arrotz errikoak,  
ona gure aitormen  
txit egiazkoak:  
oroipen biotzeko  
Donostiakoak,  
len, oraiñ eta beti  
obe bagekoak.